

Za tri mjeseca 15.484 otkaza u BiH!

22/02/2009 15:25 by BanjaLukauSrcu

U protekla tri mjeseca na zavode za zapošljavanje u BiH prijavljene su čak 15.484 osobe koje su ostale bez posla zbog globalne ekonomske krize, izjavila je za "Avaz" Sanela Zeljković iz Agencije za rad i zapošljavanje BiH.

Uglavnom su to radnici koji su otkaze dobili u BiH, a jedan dio je i onih koji su posao izgubili u zemljama regiona, gdje su strani državljani bili prvi na udaru.

Sve gore i gore

Prošlogodišnje crne prognoze stručnjaka da će 2009. biti najteže a očigledno se obistinjuju, jer je januar bio koban za 5.825 bh. radnika. U decembru je otpušteno 5.585, a u novembru 4.074 osobe.

Sve je manje i raspisanih konkursa, pa su poslodavci prošli mjesec tražili 1.844 radnika. U decembru im je trebalo 2.630, a novembru 2.485. U oktobru je većeno više od 3.000 radnih mjesta.

Ipak, statistike pokazuju da posao uspijeva naći više ljudi nego što je ponuđeno radnih mjesta. No, i trend novih zapošljavanja opada. U januaru je zaposleno 5.011, decembru 5.194, novembru 6.406, a u oktobru 6.860 ljudi u BiH.

Primjeri otkaza samo u ovoj godini su brojni, što nam je potvrdilo više sagovornika.

Kako nam je kazala Ranka Mišić, predsjednica Saveza sindikata RS, Sindikat do sada zna za najmanje 300 otkaza. Najviše ih je nedavno uručio "Birač" iz Zvornika, čak 245, a val otkaza u toj firmi, prema njenim riječima, još nije splasnuo.

Saznajemo da je bez posla ostalo i 50-ak radnika s područja Prijedora.

Pritisци na radnike

Krijući se iza ekonomske krize, tvrdi Mišić, neke kompanije vrše pritisak na radnike da prihvate zamjenu ugovora o radu, sa neodređenog na određeno vrijeme.

Predsjednik Udruženja poslodavaca FBiH Nihad Imamović potvrdio nam je da sve više kompanija šalje radnike na prinudni odmor.

Predsjednica Sindikata tekstila BiH Ferdija Kojić kazala je za naš list da je oko 150 radnika u ovoj industriji, također, poslano na prinudni odmor.

Šta "Arcelor Mital" oslobađa se 1.000 radnika?

Prema riječima Nihada Imamovića, jest kompanija iz FBiH do sada je otpustilo više od stotinu radnika, a neke firme uskoro najavljuju masovnijaa otpuštanja.

BLUSRCU.BA - Stranica za sve banjalucane sirom svijeta!

<http://blusrcu.ba>

- Imamo najave da "Arcelor Mital" iz Zenice namjerava otpustiti oko 1.000 radnika - kazao je Imamović.

Autor: An. M. - F. V.

Izvor vijesti: Dnevni Avaz